

**RJEŠENJE
O IMENOVANJU STRUČNOG VIJEĆA INSTITUTA ZA
RAZVOJ PREDUNIVERZITETSKOG OBRAZOVANJA
KANTONA SARAJEVO**

Član 1.
(Predmet)

Ovim rješenjem imenuje se Stručno vijeće Instituta za razvoj preduniverzitetskog obrazovanja Kantona Sarajevo (u daljem tekstu: Stručno vijeće), određuje njegov sastav, nadležnost i mandat.

Član 2.
(Sastav Stručnog vijeća)

Imenuje se Stručno vijeće u sastavu:

1. Prof. dr. Dušanka Bošković, predsjednica
2. Prof. dr. Senada Dizdar, potpredsjednica
3. Prof. dr. Elma Selmanagić-Lizde, članica
4. Prof. dr. Amra Kapo, članica
5. Prof. dr. Kenan Čaklovića, član

Sjedište i obavljanje stručno-administrativnih poslova za potrebe Stručnog vijeća će se regulisati Poslovníkom o radu.

Član 3.
(Rukovođenje)

Stručnim vijećem rukovodi predsjednica iz člana 2. ovog rješenja, a u slučaju njene odsutnosti ili spriječenosti, rukovodi potpredsjednica.

Član 4.
(Zadaci i nadležnost)

Stručno vijeće iz člana 2. ovog rješenja zadužuje se za: pripremu i organiziranje sjednica uz konsultacije sa direktoricom Instituta; davanje mišljenja koje je direktorica Instituta obavezna zatražiti od Stručnog vijeća kod obavljanja djelatnosti iz člana 9., stav (3). tač. b), e), h), i), r), cc) i dd) Odluke o osnivanju javne ustanove Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", broj 37/21); pokretanje inicijativa za razvoj i unaprijeđenje preduniverzitetskog obrazovanja u Kantonu Sarajevo; pružanje stručne pomoći Institutu uz predlaganje mjera za unaprijeđenje rada; pripremu godišnjeg izvještaja, koji je sastavni dio Izvještaja o radu Instituta, o svim provedenim, odnosno realizovanim aktivnostima u skladu sa propisanim zakonskim rokovima.

Član 5.
(Mandat i prestanak mandata)

- (1) Stručno vijeće se imenuje na period od 2 (dvije) godine.
- (2) Dužnost imenovanih lica u pravilu prestaje protekom perioda na koji je izvršeno imenovanje.
- (3) Ministarstvo za nauku, visoko obrazovanje i mlade može donijeti odluku o razrješenju imenovanog lica i prije isteka perioda na koji je imenovan u slijedećem slučajevima:
 - a) na lični zahtjev;
 - b) ako nesavjesno obavlja poslove;
 - c) ako bude pravosnažno osuđen za krivično djelo;
 - d) zbog odsutnosti ili spriječenosti da u periodu dužem od tri mjeseca obavlja dužnost.

Član 6.
(Konstituirajuća sjednica)

Ministarstvo će sazvati prvi sastanak Stručnog vijeća najkasnije u roku od 30 dana od dana donošenja ovog rješenja.

Član 7.
(Poslovník)

- (1) Stručno vijeće će na prvom sastanku donijeti Poslovník o radu.
- (2) Poslovníkom će se urediti način rada i odlučivanja, sazivanje sjednica, prava i obaveze, kao i druga pitanja od značaja za rad Stručnog vijeća.
- (3) Stručno vijeće, ako smatra potrebnim, može pozvati na svoje sjednice i predstavnike drugih institucija.
- (4) Stručno vijeće podnosi izvještaj o svom radu Ministarstvu za nauku, visoko obrazovanje i mlade najmanje jednom godišnje, a isti je sastavni dio Izvještaja Instituta.

Član 8.
(Naknada za rad)

Članovima Stručnog vijeća iz člana 2. ovog rješenja pripada pravo na naknadu u skladu sa Odlukom Vlade Kantona Sarajevo ("Službene novine Kantona Sarajevo", broj 47/22).

Član 9.
(Stupanje na snagu)

Rješenje stupa na snagu danom donošenja i bit će objavljeno u "Službenim novinama Kantona Sarajevo".

Broj 27-02-04-32504-2/22
01. decembra 2022. godine
Sarajevo

Ministrica
Prof. dr. Aleksandra Nikolić,
s. r.

Ministarstvo unutrašnjih poslova Kantona Sarajevo

Na osnovu člana 76. stav (1) i (2). Kolektivnog ugovora između Vlade Kantona Sarajevo i Sindikata policije Kantona Sarajevo ("Službene novine Kantona Sarajevo", broj 6/22 i 20/22), tačke II. Rješenja Vlade Kantona Sarajevo o imenovanju komisije za tumačenje odredaba i praćenje primjene Kolektivnog ugovora između Vlade Kantona Sarajevo i Sindikata policije Kantona Sarajevo ("Službene novine Kantona Sarajevo", broj 47/22) te člana 5. i 9. Poslovníka o radu Komisije za tumačenje odredaba i praćenje primjene Kolektivnog ugovora između Vlade Kantona Sarajevo i Sindikata policije Kantona Sarajevo Komisija u sastavu Muamer Bajraktarević - predsjednik, Jesenković Emir - član, Senada Hadžimehmedagić - član i Sadik Ećo - član, povodom molbe Uprave policije Ministarstva unutrašnjih Kantona Sarajevo broj 02/5-1-30-1-6916 od 27.10.2022. godine kojim se traži tumačenje odredbi člana 69. i 70. Kolektivnog ugovora između Vlade Kantona Sarajevo i Sindikata policije Kantona Sarajevo (u daljem tekstu: Kolektivni ugovor), na Sjednici održanoj dana 08.12.2022. godine, donosi

ODLUKU**I**

Utvrđuje se tumačenje odredbi člana 69. i 70. Kolektivnog ugovora, kako slijedi:

"Odredbe člana 69. i 70. Kolektivnog ugovora isključivo se primjenjuju na strane potpisnice Kolektivnog ugovora kao i za strane koje su mu naknadno pristupile, te se na druge pravne subjekte ne mogu primijeniti."

II

Ova Odluka će se dostaviti podnosiocu zahtjeva kao i ugovornim stranama iz člana 1. Kolektivnog ugovora.

III

U skladu sa članom 76. stav (5) Kolektivnog ugovora, ova Odluka ima pravnu snagu i učinak Kolektivnog ugovora.

IV

Ova Odluka stupa na snagu danom donošenju, te će se ista objaviti u "Službenim novinama Kantona Sarajevo".

Broj 01-30-1-7029/22
08. decembra 2022. godine Sarajevo

Muamer Bajraktarević, s. r.
Emir Jesenković, s. r.
Senada Hadžimehmedagić, s. r.
Sadik Ećo, s. r.

GRAD SARAJEVO**Gradonačelnik**

Na osnovu članova 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

ODLUKU**O IZMJENAMA ODLUKE O ODOBRAVANJU
SREDSTAVA SA POZICIJE: TEKUĆA REZERVA**

Član 1.

U Odluci o odobravanju sredstava sa pozicije: Tekuća rezerva ("Službene novine Kantona Sarajevo", broj 20/21), član 1. mijenja se i glasi:

"Član 1.

Ovom Odlukom odobravaju se novčana sredstva za nabavku aparata videolaringskopa za potrebe Javne ustanove Opća bolnica "Prim. dr. Abdulah Nakaš", ulica Silvija Strahimira Kranjčevića br. 12, Sarajevo."

Član 2.

Član 3. mijenja se i glasi:

"Član 3.

Sredstva iz člana 2. ove odluke, Gradska služba finansija će doznačiti na račun Javne ustanove Opća bolnica "Prim. dr. Abdulah Nakaš", broj 11401011110005080, otvoren kod Sberbank BH d.d. Sarajevo (svrha doznake: nabavka aparata videolaringskopa - Javna ustanova Opća bolnica "Prim. dr. Abdulah Nakaš".

Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/14-11-7896-2/22

08. decembra 2022. godine

Sarajevo

Gradonačelnica

Doc. dr. **Benjamina Karić**, s. r.

OPĆINA ILIDŽA**Općinski načelnik**

Na osnovu člana 90. Statuta Općine Ilidža-Prečišćeni tekst ("Službene novine Kantona Sarajevo", broj 33/10 i 18/16), člana 25. Uredbe sa zakonskom snagom o ustanovama ("Službeni list RBiH", broj 6/92, 8/93 i 13/14) i člana 20. Odluke o osnivanju Javne ustanove "Kulturno-sportski centar" Ilidža ("Službene novine Kantona Sarajevo", broj 3/00), općinski načelnik donosi

RJEŠENJE**O RAZRJEŠENJU NADZORNOG ODBORA JAVNE
USTANOVE "KULTURNO-SPORTSKI I
REKREACIONI CENTAR" ILIDŽA**

I

Razrješava se dužnosti Nadzorni odbor Javne ustanove "Kulturno-sportski i rekreacioni centar" Ilidža, zbog isteka mandata i to:

1. Haris Čuhara, bachelor inženjer saobraćaja i komunikacija - predsjednik
2. Suljo Alić, diplomirani pravnik - član
3. Elvir Baručija, mašinski tehničar član iz reda uposlenih

II

Tačkom II Rješenja o imenovanju broj 02-05-3046/18-4 mandat predsjednika i članova Nadzornog odbora traje 4 (četiri) godine od dana imenovanja i isti je istekao 28.11.2022. godine. Rješenjem Općinskog načelnika broj 02-04-3080/20-8 mandat člana NO iz reda uposlenih trajao je do 28.11.2022. godine.

III

Ovo rješenje objavit će se u "Službenim novinama Kantona Sarajevo".

Broj 07-04-8978/22

14. decembra 2022. godine

Ilidža

Općinski načelnik

Nermin Muzur, s. r.

Na osnovu člana 90. Statuta Općine Ilidža-Prečišćeni tekst ("Službene novine Kantona Sarajevo", br. 33/10 i 18/16), člana 25. Uredbe sa zakonskom snagom o ustanovama ("Službeni list RBiH", br. 6/92, 8/93 i 13/14) i člana 20. Odluke o osnivanju Javne ustanove "Kulturno-sportski centar" Ilidža ("Službene novine Kantona Sarajevo", broj 3/00), Općinski načelnik donosi

RJEŠENJE**O RAZRJEŠENJU UPRAVNOG ODBORA JAVNE
USTANOVE "KULTURNO-SPORTSKI I
REKREACIONI CENTAR" ILIDŽA**

I

Razrješava se dužnosti Upravni odbor Javne ustanove "Kulturno-sportski i rekreacioni centar Ilidža" i to:

1. Senaid Tursunović, diplomirani inženjer rudarstva - predsjednik
2. Almedin Fetahović, bachelor trener sporta - član
3. Zejnil Leka, magistar odgojnih nauka - član
4. Jasminka Ademović, dipl. ekonomista - član
5. Amir Grošo, tehničar elektroenergetike - član iz reda uposlenih, a koji su imenovani rješenjem općinskog načelnika broj 02-05-3046/18-3.

II

Tačkom II Rješenja o imenovanju općinskog načelnika broj 02-05-3046/18-3 mandat predsjednika i članova Upravnog odbora traje 4 (četiri) godine od dana imenovanja i isti je istekao 28.11.2022. godine.

III

Ovo rješenje objavit će se u "Službenim novinama Kantona Sarajevo".

Broj 07-04-8978-1/22

14. decembra 2022. godine

Ilidža

Općinski načelnik

Nermin Muzur, s. r.

Na osnovu člana člana 90. Statuta Općine Ilidža - Prečišćeni tekst ("Službene novine Kantona Sarajevo", broj 33/10 i 18/16), člana 7. Odluke o statusnoj promjeni pripajanja Javne ustanove za kulturu, sport i rekreaciju Hrasnica-Ilidža Javnoj ustanovi "Kulturno- sportski i rekreacioni centar" Ilidža ("Službene novine Kantona Sarajevo", broj 19/22) i Rješenja Općinskog suda u Sarajevu broj 065-0-Reg-22-002860 od 29.10.2022. godine i Rješenja Općinskog suda broj 065-0-Reg-22-002861 od 29.10.2022. godine, općinski načelnik donosi